



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მელოტა

მელოტა (*Fulica atra*), ფრინველი წეროსნაირთა რიგისა. მისი სხეულის სიგრძე 40 სმ აღწევს. გავრცელებულია ევროპაში, აზიაში, აფრიკასა და ავსტრალიაში, ბუდობს საქართველოშიც. იგი უმთავრესად ბინადრობს იმ ტბებზე, მდინარეებსა და საგუბარებში, რ-თა ნაპირები ლელით, ლერწმითა და სხვა მცენარეებითაა დაფარული. ზამთრობს კასპიის ზღვის სამხრ. სანაპიროზე და არაერთ ტბაზე (პალიასტომი). მ. კარგად ცურავს და ყვინთავს. დებს 6-15 კვერცხს; ბარტყების გამოჩეკას 20-21 დღე-ღამე სჭირდება. ბარტყები გამოჩეკისთანავე წყალში შედიან და ორივე მშობლის დახმარებით სწავლობენ ცურვას, ყვინთვასა და საკვების მოპოვებას. იკვებება წყლის მცენარეებით, მოლუსკებით, მწერებით. სანადირო ობიექტია.

რ. ჟორდანი
